

**AKT THEMELIMI DHE STATUT
I SHOQERISE ME PERGJEGJESI TE KUFIZUAR
KLINIKA OFTAMOLOGJIKE "TIRANA EYE GROUP"SH.P.K**

Shoqëria "TIRANA EYE GROUP"SH.P.K themelohet ne baze te iniciatives dhe kapitalit themeltar te Ortakeve themelues .

Ortakët themelues te shoqerise:

1. Dr Albert Lula

Ne perputhje me ligjet e Republikes se Shqiperise Nr.9901 date 14.04.2008 "Per Tregtaret Dhe Shoqerite Tregtare", i ndryshuar dhe ligji Nr.9723 date 03.05.2007 "Per Qendren Kombetare Te Regjistrimit", te ndryshuar.

NENI 1

DISPOZITA TE PERGJITHSHME

Emri i Shoqerise me Pergjegjesi te Kufizuar eshte "TIRANA EYE GROUP"SH.P.K
Shoqëria eshte person juridik i se drejtes shqiptare dhe gezon te drejtat e personit juridik nga data e regjistrimit ne Qendren Kombetare te Regjistrimit. Shoqëria zhvillon aktivitetin e saj ne perputhje te plote me legjislacionin shqiptar dhe dispozitat e Aktit te Themelimit e te ketij Statuti.

NENI 2

OBJEKTI I VEPRIMTARISE

2.1 Shoqëria ka për objekt të saj kryerjen dhe marrjen pjesë në të gjitha aktivitetet që një shoqëri me përgjegjësi të kufizuar mund të ushtroje në bazë të legjislacionit shqiptar, dhe në veçanti:

- Kryerjen e konsultave oftalmologjike, diagnostikime te patologjiive oftalmike ku perfshihen: patologjiite korneale dhe glaucoma, patologjiite retinale dhe neuro-ofthalmologjia, patologji te oftalmologjise pediatrike dhe okuloplastika. Gjithashtu do te kryhet ekzaminimi dhe trajtimi i anomalive refraktive, korrigjim me syze, lente kontakti (te buta ose rigide), injesione intravitreale, dhe injeksione peri/retrobulbare, perdorimi i Cross-Link (CXL). Do te kryhen ekzaminime imazherike si: autorefraktometria dhe biomikroskopia, topografia korneale, micropimetria, tomografia retinale, Eko A/B dhe Angiografia me Fluoresceine. Do te kryhen ndërhyrje kirurgjikale me anestezi topikale per trajtimin e kataraktes, pterygiumit dhe chalasion ose me anestezi gjenerale per trajtimin e obstrukcioneve te dukтусit nazolakrimal. Do te mundesoje hapjen e klinikave oftalmologjike dhe laboratoreve optike; gjithashtu, import-eksport te pajisjeve mjeksore, medikamenteve mjeksore, skeleteve te syzeve dhe lenteve si dhe te gjitha materileve qe lidhen me zhvillimin dhe pëmbushjen e veprimtarise se saj. Për më tepër shoqëria mund të veproje si kontraktor i përgjithshëm për kryerjen e aktiviteteve të mësipërme dhe bazuar në diskrecionin e saj të vetëm mund të kontraktot palë të treta për kryerjen e një pjese apo të të gjitha punimeve. Gjithashtu, Shoqëria mund të kryej çdo aktivitet tjetër të nevojshëm apo të dobishëm për realizimin e qëllimeve të saj përfshirë edhe aktivitetin e ofrimit te shërbimeve, tregtimin, importimin dhe eksportimin e mallrave. Për të arritur objektin e saj, Shoqëria mund të realizoi drejtpërdrejtë apo në mënyrë të tërthortë çdo lloj pjesëmarrje në shoqëri të tjera shiptarë apo të huaja, si edhe të hyje ne marrëdhënie kontraktore, bashkëpunimi ose ortakërie me persona të tretë, privatë ose publike, vendas ose te huaj.

2.2 Për më tepër shoqëria mund të veproje si kontraktor i përgjithshëm për kryerjen e aktiviteteve të mësipërme dhe bazuar në diskrecionin e saj të vetëm mund të kontraktot palë të treta për kryerjen e një pjese apo të të gjitha punimeve.

2.3 Gjithashtu, Shoqëria mund të kryej çdo aktivitet tjetër të nevojshëm apo të dobishëm për realizimin e qëllimeve të saj përfshirë edhe aktivitetin e ofrimit te shërbimeve, tregtimin, importimin dhe eksportimin e mallrave.

2.4 Për të arritur objektin e saj, Shoqëria mund të realizoi drejtpërdrejtë apo në mënyrë të tërthorë çdo lloj pjesëmarrje në shoqëri të tjera shiptarë apo të huaja, si edhe të hyje në marrëdhënie kontraktore, bashkëpunimi ose ortakërie me persona të tretë, privatë ose publike, vendas ose të huaj.

NENI 3

SELIA E SHOQERISE

Shoqëria ka selinë e saj në adresën me Rrugën e Kavajës, Nr pasurie.1/7091-1-5, ZK. 8250, Vol. 37, fq. 167, TR-P-8, Shk. I, Kati I, Apartamenti 5, Tiranë

Aktiviteti i shoqërisë do të zhvillohet në Tiranë dhe do të shtrihet në të gjithë territorin shtetëror të Republikës së Shqipërisë dhe jashtë saj.

NENI 4

KOHEZGJATJA

Kohezgjatja e veprimtarisë së Shoqërisë do të jetë për një afat të papercaktuar, me mundësinë e zgjatjes apo të shkurtimit të afatëve, të ndryshojë veprimtarinë, emertimin, selinë, objektin e veprimtarisë sipas vendimit të ortakëve të shoqërisë .

NENI 5

DETYRIMET E ORTAKEVE

Ortakët e Shoqërisë duhet të kryejnë depozitimin e kapitalit themeltar për llogari të Shoqërisë në një bankë të caktuar prej tyre.

NENI 6

TRANSFERIMI I KUOTAVE

Ortakët mund të kalojnë pjesë nga kapitali themeltar subjekteve dhe personave të tjerë në përputhje me rregullat e parashikuara në Neni 73 të Ligji 9901 datë 14.04.2008 "Për Tregtarët Dhe Shoqëritë Tregtare".

Në rast shitje kuotash Ortakët aktual kanë të drejtën e parablerjes. Pasi është përmbushur kjo pike, e drejta e parablerjes së Ortakëve aktual, vetëm atëherë Ortakët mund të ofrojnë kuotat e tyre Shoqërisë dhe personave të tjerë jashtë shoqërisë.

NENI 7

PARAQITJA KONTABILE

Operacionet e Shoqërisë kontabilizohen duke aplikuar parimet e kontabilitetit të parashikuara në legjislacionin shqiptar dhe paraqitjen me saktësi në bilancin vjetor.

Në mbyllje të çdo viti Ortakët ose personi i ngarkuar prej tyre, bëjnë inventarizimin dhe llogaritë vjetore në përputhje me dispozitat e legjislacionit në fuqi për kontabilitetin dhe hartojnë raport me shkrim. Ky raport pasqyron gjendjen e Shoqërisë gjatë vitit financiar.

NENI 8

KAPITALI THEMELTAR

Kapitali themeltar i Shoqërisë është 100 (njëqind) Leke, dhe është i ndarë në 1 kuotë me vlerë nominale 100 lek.

Te zoteruara:

- 100 % Ortaku Albert Lula

NENI 9

OPERACIONET FINANCIARE

Shoqëria është e autorizuar për të siguruar mjete financiare dhe kredit duke ju drejtuar bankave, institucioneve të kreditit ose atyre të financimeve totale apo të jashtme, institucioneve ndërkombëtare të financimit dhe të kreditit sido që të jete percaktuar.

NENI 10

BLERJET E SHOQERIVE

Shoqëria disponon mjetet e saj në përputhje me destinacionin e tyre dhe me objektin e Shoqërisë. Në Republikën e Shqipërisë, Shoqëria gëzon të drejtën e saj për të zotëruar mjete të saj si në çdo shoqëri tjetër ose organizatë tregtare, kombëtare shqiptare në përputhje me Ligji 9901 datë 14.04.2008 "Për Tregtarët Dhe Shoqëritë Tregtare", i ndryshuar.

NENI 11 FONDI REZERVE

Shoqëria mund të themelojë një fond rezerve si dhe fonde të tjera të veçanta për zhvillimin e saj. Perberja, shumat totale, fondet për krijimin e tyre, përdorimi dhe rregullimi i tyre (i çdo fondi) përcaktohet nga Ortaket në përputhje me legjislacionin shqiptar. Vlerat materiale të Shoqërisë raportohen në bilance të shprehur në Leke, në përputhje me rregullat në fuqi në Republikën e Shqipërisë. Bilanci dhe përlogaritjet ekonomike të Shoqërisë hartohen mbi bazën e formës së bilancit dhe llogaritjeve ekonomike të përcaktuara për shoqëritë tregtare në Shqipëri. Bilanci vjetor mbyllet në 31 dhjetor të çdo viti.

NENI 12 PLANET FINANCIARE

Aktiviteti i Shoqërisë mbi bazën e programeve financiare që bëjnë pjesë në aktivitetin financiar të saj. Planet financiare parashikojnë koston dhe të ardhurat e shprehura në Leke. Gjendja pasurore dhe llogaritjet ekonomike do të paraqiten në Leke. Rezultatet financiare të aktivitetit dhe të punës së kryer nga Shoqëria, paraqiten në bilancin vjetor. Kursi i kembimit të monedhës shqiptare në monedhat e huaja dhe e kundërta do të jenë ato të vendosura nga Banka e Shtetit Shqiptar.

NENI 13 ORGANET E SHOQËRISË

Organi vendimarrës i Shoqërisë është Asambleja e Përgjithshme. Asambleja e Përgjithshme është përgjegjëse për marrjen e vendimeve për Shoqërinë për çështjet e mëposhtme:

- a) përcaktimin e politikave tregtare të Shoqërisë
- b) ndryshimet e Statutit
- c) emërimin e shkarkimin e Administratorëve
- ç) emërimin e shkarkimin e Likuiduesve dhe të Ekspertëve Kontabël të Autorizuar
- d) përcaktimin e shpërblimeve për personat e përmendur në shkronjat "c" dhe "ç" të kësaj pike
- dh) mbikëqyrjen e zbatimit të politikave tregtare nga Administratorët, përfshirë përgatitjen e pasqyrave financiare dhe të raporteve të ecurisë së veprimtarisë
- e) miratimin e pasqyrave financiare dhe të raporteve të ecurisë së veprimtarisë
- ë) zmadhimin dhe zvogëlimin e kapitalit
- f) pjesëtimin e kuotave dhe anulimin e tyre
- g) përfaqësimin e Shoqërisë në gjykatë dhe në procedimet e tjera ndaj Administratorëve
- gj) riorganizimin dhe prishjen e Shoqërisë
- h) miratimin e rregullave procedurale të mbledhjeve të Asamblesë
- i) çështje të tjera të parashikuara nga Ligji apo Statuti.

Asambleja e Përgjithshme merr vendime për çështjet e përcaktuara në shkronjat "e" dhe "ë" të pikës 1 të këtij Neni, pas marrjes dhe shqyrtimit të dokumenteve përkatës. Të gjitha vendimet e marra nga Ortaket regjistrohen në regjistrin e vendimeve, të dhënat e të cilit nuk mund të ndryshohen ose të fshihen.

Duhen regjistruar në veçanti, por pa u kufizuar në to, vendimet për:

- a) miratimin e pasqyrave financiare dhe të raporteve të ecurisë së veprimtarisë
- b) shpërndarjen e fitimeve vjetore dhe mbulimin e humbjeve
- c) investime
- ç) vendimet për riorganizimin dhe prishjen e Shoqërisë

Vendimet e paregjistruara në regjistrin e vendimeve janë absolutisht të pavlefshme. Shoqëria nuk mund t'i kundërojë pavlefshmërinë të tretit, që ka fituar të drejta në mirëbesim, përveç rastit kur Shoqëria provon se i treti ka pasur dijeni për pavlefshmërinë, apo në bazë të rrethanave të qarta nuk mund të mos kishte pasur dijeni për të.

NENI 14 ORGANET E SHOQËRISË

Asambleja e Përgjithshme mbledhet në rastet e përcaktuara nga Ligji 9901 date 14.04.2008, nga Ligje të tjera dhe sa herë që mbledhja është e nevojshme për të mbrojtur interesat e Shoqërisë. Mbledhja e zakonshme e Asamblesë së Përgjithshme thirret të paktën një herë në vit.

Asambleja e Përgjithshme thirret nga Administratorët apo Ortakët e përcaktuar sipas Neni 84 të këtij Ligji.

Asambleja e Përgjithshme thirret nëse sipas bilancit vjetor apo raporteve të ndërmjetme financiare, rezulton ose ekziston rreziku që aktivet e Shoqërisë nuk i mbulojnë detyrimet e kërkueshme brenda 3 muajve në vazhdim.

Asambleja e Përgjithshme thirret kur Shoqëria propozon të shesë apo të disponojë në mënyrë tjetër aktive, të cilat kanë një vlerë më të lartë se 5 për qind të aseteve të Shoqërisë, që rezulton në pasqyrat e fundit financiare të certifikuara.

Asambleja e Përgjithshme thirret kur Shoqëria, brenda 2 viteve të para pas regjistrimit të saj, propozon të blejë nga një Ortak pasuri, që kanë vlerë më të lartë se 5 për qind të aseteve të Shoqërisë, që rezulton në pasqyrat e fundit financiare të certifikuara.

Në rastet e parashikuara në pikat 3 deri në 5 të këtij Neni, Asambleja e Përgjithshme mund të miratojë një rezolutë këshilluese, duke miratuar apo bërë vërejtje për veprimtarinë e Administratorëve.

NENI 15

MËNYRA E THIRRJES

Asambleja e Përgjithshme thirret nëpërmjet një njoftimi me shkresë ose, nëse parashikohet në Statut, me njoftim nëpërmjet postës elektronike. Njoftimi me shkresë apo me mesazh elektronik duhet të përmbajë vendin, datën, orën e mbledhjes dhe rendin e ditës e t'u dërgohet të gjithë Ortakëve, jo më vonë se 7 ditë përpara datës së parashikuar për mbledhjen e Asamblesë.

Kur Asambleja e Përgjithshme nuk është thirrur sipas pikës 1 të këtij Neni, ajo mund të marrë vendime të vlefshme vetëm nëse të gjithë Ortakët janë dakord, për të marrë vendime, pavarësisht prarregullsisë.

NENI 16

KËRKESA NGA ORTAKËT E PAKICËS

Ortakët, të cilët përfaqësojnë të paktën 5 % të totalit të votave në Asamblenë e Përgjithshme, apo një pjesë më të vogël të parashikuar në Statut, mund t'i drejtojnë Administratorëve një kërkesë me shkrim, përfshirë postën elektronike, për të thirrur Asamblenë e Përgjithshme dhe/ose përfshirjen e çështjeve të posaçme në rendin e ditës. Kërkesa duhet të përmbajë arsyet, objektivat dhe çështjet, për të cilat Asambleja duhet të marrë një vendim. Nëse kërkesa refuzohet, këta Ortakë kanë të drejtë ta thërrasin Asamblenë dhe të caktojnë çështjet e rendit të ditës, në përputhje me pikën 1 të Neni 83 të këtij Ligji.

Në rastet kur rendi i ditës ndryshohet, sipas parashikimeve të pikave 1 e 2 të këtij Neni dhe thirrja i është njoftuar Ortakëve, Administratorët njoftojnë përsëri rendin e ditës, të ndryshuar, në përputhje me parashikimet e Neni 14 të Statutit.

Përfaqësuesi i autorizuar është i detyruar të deklarojë çdo fakt apo rrethanë, të tillë që, sipas gjykimit të Ortakut të përfaqësuar, rrezikon të ndikojë në vendimmarrjen e përfaqësuesit për interesa të tjerë të ndryshëm nga ata të Ortakut të përfaqësuar.

NENI 17

PËRFAQËSIMI NË ASAMBLE

Ortaku mund të përfaqësohet në Asamblenë e Përgjithshme, në bazë të një autorizimi me shkrim nga një Ortak tjetër apo nga një person i tretë.

Administratorët e Shoqërisë nuk mund të veprojnë si përfaqësues i Ortakëve në Asamblenë e Përgjithshme.

Autorizimi mund të jepet vetëm për një mbledhje të Asamblesë së Përgjithshme, e cila përfshin edhe mbledhjet vijuese me të njëjtin rend dite.

NENI 18

KUORUMI

Në rastin e marrjes së vendimeve, që kërkojnë një shumicë të zakonshme, Asambleja e Përgjithshme mund të marrë vendime të vlefshme vetëm nëse marrin pjesë Ortakët me të drejtë vote, që zotërojnë më shumë se 30 % të kuotave. Në rastin kur Asambleja e Përgjithshme duhet të vendosë

për çështje, të cilat kërkojnë shumicë të kualifikuar, sipas Neni 87 të Ligji 9901 date 14.04.2008, ajo mund të marrë vendime të vlefshme vetëm nëse Ortakët që zotërojnë më shumë se gjysmën e numrit total të votave janë të pranishëm personalisht, votojnë me shkresë, apo mjete elektronike, sipas parashikimeve të pikës 3 të Neni 88 të këtij Ligji.

Nëse Asambleja e Përgjithshme nuk mund të mbledhet për shkak të mungesës së kuorumit të përmendur në pikën 1 të këtij Neni, Asambleja mbledhet përsëri jo më vonë se 30 ditë, me të njëjtin rend dite.

NENI 19

MARRJA E VENDIMEVE

Me përjashtim të rasteve kur Statuti parashikon një shumicë më të lartë, Asambleja e Përgjithshme vendos me 3/4 e votave të Ortakëve pjesëmarrës, siç përcaktohet në pikën 1 të Neni 86 të Ligji 9901 date 14.04.2008, për ndryshimin e Statutit, zmadhimin ose zvogëlimin e kapitalit të regjistruar, shpërndarjen e fitimeve, riorganizimin dhe prishjen e Shoqërisë.

Me përjashtim të rasteve kur parashikohet ndryshe në Ligj ose në Statut, për çështjet e tjera të renditura në Neni 81 të Ligjit Per Shoqërite Tregtare, Asambleja e Përgjithshme vendos me shumicën e votave të Ortakëve pjesëmarrës.

Me përjashtim të rasteve kur parashikohet ndryshe në Ligj, vlefshmëria e vendimeve, që përcaktojnë detyrime shtesë mbi Ortakët, apo vendimet që kufizojnë të drejtat e tyre, të parashikuara në këtë Ligj ose në Statut, kushtëzohet nga miratimi i Ortakut përkatës.

NENI 20

PROCESVERBALET E MBLEDHJES SË ASAMBLESË

Të gjitha vendimet e Asamblesë së Përgjithshme duhet të regjistrohen në procesverbal. Administratorët përgjigjen për ruajtjen e kopjeve të procesverbaleve.

Procesverbali duhet të përmbajë datën e vendin e mbledhjes, rendin e ditës, emrin e kryetarit e të mbajtësit të procesverbalit, rezultatet e votimit.

Procesverbalit i bashkëlidhet edhe lista e pjesëmarrësve, si edhe akti i thirrjes së Asamblesë së Përgjithshme.

Procesverbali i mbledhjes nënshkruhet nga kryetari dhe nga mbajtësi i procesverbalit.

Nëse Shoqëria ka publikuar një faqe në internet, administratorët, jo më vonë se 15 ditë nga data e mbledhjes, janë të detyruar të publikojnë kopje të procesverbalit të mbledhjes së Asamblesë së Përgjithshme në këtë faqe.

NENI 21

ADMINISTRATORI

Shoqëria administrohet nga nje ose disa persona fizike. Administratori i Shoqërisë emrohet me vendim të Ortakëve të Shoqërisë. Afati i qëndrimit në detyrë i Administratorit është për një periudhë 5 (pese) vjetecare.

Administrator i Shoqërie caktohet Z. Albert LULA

Administratori ka të gjitha kompetencat për të vepruar në marrëdhënie me të tretet në emër të Shoqërisë, në të gjitha rrethanat, me përjashtim të kompetencave që u njeh Ligji shprehimisht Asamblesë ose të tremeve. Administratori ka përgjegjësi ndaj Shoqërisë ose ndaj të tremeve për shkelje të Ligjeve, Statutit apo shkeljeve të kryera gjatë administrimit. Administratori në rastin konkret kryen dhe harton raportet financiare, llogarite vjetore etj.

NENI 22

RASTET E PUNES

Raportet e punës ndërmjet Shoqërisë, filialeve dhe agjensive të saj si dhe të punonjësve në të rregullohen në bazë të Kontrates së Punës, konform Kodit të Punës.

Për sa nuk parashikohet në keto Kontrata, aplikohen dispozitat e legjislacionit shqiptar në fuqi.

NENI 23

Shoqëria merr përsipër, të shlyej rregullisht të gjitha detyrimet e saj që burojnë nga legjislacioni për sigurimet shoqërore e shëndetësore lidhur me të punësuarit e saj.

NENI 24
PERFUNDIMI I AKTIVITETIT

Shoqeria nuk priset kur njeri prej ortakëve falimenton, behet i paafte ose vdes.

Shoqeria priset:

- 1.Me kalimin e afatit per kohezgjatjen e saj.
- 2.Per pamundesine e realizimit te objektit te saj.
- 3.Me vendim gjykate.
- 4.Me hapje te procedurave te falimentit.

NENI 25
LIKUJDIMI

Likujdimi i Shoqerise behet sipas normave te legjislacionit shqiptar ne fuqi ne kohen e likujdimit.

NENI 26
KUSHTET E TJERA

Te gjitha vendimet e mara nga Asambleja evidentohen ne nje liber te vecante, i cili administrohet ne seline e Shoqerise.

Per sa nuk eshte shprehur plotesisht dhe saktesisht ne kete Statut do ti referohen plotesimeve qe mund te bejne Ortaket si dhe Ligjeve te vecanta te legjislacionit shqiptar ne fuqi.

Per regjistrimin e Shoqerise dhe depozitimimin e akteve prane QKR, autorizohet Administratori i saj.

Nënshkruar, sot më datë 02/03/2023

ORTAKET THEMELUES

Albert Lu
